

## 1. ARIKETA

Hiru lagunek **“HIRUKOTE, S.A.”** sozietatea eratuko dute aldibereko eraketa prozeduraren bidez. Kapital soziala 27.000 titulu arruntekin osatuko da bakoitzaren balio nominala 10€ izanik. Jaulkipena %230ean egingo da.

Tituluak ondorengo proportzioan harpidetuko dira:

- Lehenengo bazkideak 20.000 akzio. Legeak adierazitako despoltsapen minimoa eskudirutan egingo du.
- Beste bi bazkideek, bakoitzak 3.500 titulu. Despoltsapena diru ez den ekarpenekin gauzatuko da.  
Batek eraikuntza bat emango du, merkataritza erregistratzaileak izendatutako adituak 80.000€tan balioetsiz.  
Besteak inbertsio finantzarioak emango ditu, merkataritza erregistratzaileak izendatutako adituak 60.000€tan balioetsiz.  
Gainontzeko despoltsapenak eskudirutan egingo dira.

Urte bukaeran, estatutuek adierazitakoa betez, lehenengo dibidendu pasiboa eskudirutan ordaintzen da (BNren %50 galdatu da).

### ESKATZEN DENA:

#### 1. Eragiketak kontabilizatzea.

#### 2. Ondorengo galderak erantzutea, erantzuna arrazoituz:

- a) Despoltsapena eskudirutan egiten duen bazkidearen kasuan, akzioak beste bazkide bati %210ean saltzea erabakiko balu: Salmenta legez kontrakoa izango litzateke? Kontuan izan salmenta balio nominalaren gaineratik egiten dela eta hasierako partaidetza proportzioa apurtu egiten dela.
- b) Dibidendu pasiboaren ondoren, despoltsapena eskudirutan egiten duen bazkideak akzioak hirugarren bati %95ean saldu dizkio. Beste bi bazkideek salatu egin dute tituluak ezin direlako balio nominalaren azpitik saldu eta gainera, guztiz despoltsatu gabe daudelako. Ondo jokatu dute bazkide bi hauek?

## 2. ARIKETA

Irakaskuntzarako materiala egingo duen "IKASLE, S.A." enpresa sortu dute bi bazkidek 3.000.000€ko kapital eskrituratuz (300.000 akzio; BN= 10€; jaulkipena parean). Proportzio berdinean harpidetuko dute.

Lehenengo bazkideak PRIMARIA, S.A. enpresaren bidez egingo du dagokion despoltsapena. Enpresa honen Balantzea une honetan hauxe izan zen:

| BALANTZEA, PRIMARIA, S.A. |    |                           |                      |         |
|---------------------------|----|---------------------------|----------------------|---------|
| Aktiboa                   |    | Ondare Garbia eta Pasiboa |                      |         |
| AKTIBO KORRIENTEA         | EZ | 300.000                   | FONDO PROPIOAK       | 260.000 |
| Lurrak                    |    | 150.000                   | Kapital Soziala      | 200.000 |
| Eraikuntzak               |    | 150.000                   | Jaulkipen Prima      | 20.000  |
|                           |    |                           | Erreserba Legala     | 20.000  |
|                           |    |                           | Ekitaldiko Emaidza   | 20.000  |
| AKTIBO KORRIENTEA         |    | 190.000                   | PASIBO EZ KORRIENTEA | 100.000 |
| Lehengaiak                |    | 47.500                    |                      |         |
| Salgaiak                  |    | 47.500                    | PASIBO KORRIENTEA    | 130.000 |
| Zordunak                  |    | 47.500                    |                      |         |
| Diruzaintza               |    | 47.500                    |                      |         |
| GUZTIRA                   |    | 490.000                   | GUZTIRA              | 490.000 |

PRIMARIA sozietatea merkataritza erregistratzaileak izendatutako adituak 800.000€tan balioetsi du. Lurretan 50.000€ko eta eraikuntzetan 75.000€ko gainbalioak onartu dira. Despoltsatu gabe geratzen den zenbatekoa finantza-inbertsioen bidez egingo da lau urteko epean.

Bigarren bazkideak legeak adierazitako minimoa eskudirutan despoltsatzen du. Gainontzekoa, eskudirutan ere, hurrengo ekitaldi hasieran ekarriko du.

**ESKATZEN DENA:** Eragiketak kontabilizatu beharrezkoak diren kalkuluak eta azalpenak emanez.

### 3. ARIKETA

20X0ko urtarrilaren 1ean, lau bazkidek LAUKOTE S.A. sozietatea sortzea erabakitzen dute. Hasierako kapitala 4 milioi eurotakoa izango da, 10€ko balio nominaleko akzioekin. Akzioak lau bazkideen artean proportzio berean harpidetuko dira eta 20€tan jaulkituko dira.

Bi bazkidek, dagokien despoltsapena dirutan egingo dute legeak adierazitako minimoan. Beste bi bazkideek, aldiz, BIKOTE, S.A. sozietatea emanaz. Sozietate honen Balantzea une honetan:

| <b>BALANTZEA, BIKOTE, S.A.</b> |                  |                                  |                  |
|--------------------------------|------------------|----------------------------------|------------------|
| <b>Aktiboa</b>                 |                  | <b>Ondare Garbia eta Pasiboa</b> |                  |
| <b>AKTIBO EZ KORRIENTEA</b>    |                  | <b>FONDO PROPIOAK</b>            |                  |
| Ibilgetu Ukiezina              | 500.000          | Kapital Soziala                  | 600.000          |
| Ibilgetu Materiala             | 2.000.000        | Erreserba Legala                 | 350.000          |
|                                |                  | Borondatezko Erreserba           | 1.650.000        |
|                                |                  | Ekitaldiko Emaidza               | 150.000          |
| <b>AKTIBO KORRIENTEA</b>       |                  | <b>PASIBO EZ KORRIENTEA</b>      |                  |
| Izakinak                       | 150.000          | Epe Luzeko Zorrak                | 150.000          |
| Zordunak                       | 450.000          | <b>PASIBO KORRIENTEA</b>         |                  |
| Diruzaintza                    | 50.000           | Hornitzaileak                    | 150.000          |
|                                |                  | Epe Laburreko Zorrak             | 100.000          |
| <b>GUZTIRA</b>                 | <b>3.150.000</b> | <b>GUZTIRA</b>                   | <b>3.150.000</b> |

BIKOTE, S.A. sozietatearen balioespena merkataritza erregistratzaileak izendatutako adituak egin du 3.250.000€tan balioetsiz. Ibilgetu materialean 100.000€ko gainbalioak onartu dira.

Despoltsatu gabe geratu diren zenbatekoak eskudirutan egingo dira baina oraindik ez da data zehatzik zehaztu.

Ekitaldi bukaeran, ekitaldiko emaitza 100.000€takoa izan zen eta ahalik eta dibidendurik gehiengo banatzea erabaki zen (indarrean dagoen legearekin bat etorriz).

#### ESKATZEN DENA:

- 1) Enpresaren eraketa-idazpena egin, zenbateko ezberdinei buruzko azalpenak emanaz.
- 2) Ekitaldi bukaeran akzioen balio teorikoa zein den azaldu.
- 3) Emaitzaren banaketaren idazpena proposatu. Azaldu zenbateko bakoitzaren arrazoiak eta kalkuluak (ekitaldi bukaeran I+G 20.000€koa zen).
- 4) Bazkide bakoitzari dagokion dibidenduaren kopurua adierazi.
- 5) 20X1eko Ondare Garbiko Aldaketen Egoera-Orria egin.